

長宗部
振鐸
諸子

之賜晉至郎中遷湖廣衡州知府蒞任甫二旬
尋卒于官年六十六居官無所濡染居鄉無所
請託郡守王公儀者公同年也往謁之門者不
為通且掩賓館扉力拒既而王公出迎公大謾
罵之王媿謝不已而公終身謝絕不復與見其
耿介如此

周懋 楷之子字元政丙戌進士警敏通世務
初任定海縣知縣有吏才與浙江鄉試事卒于
場

周氏父子登科第者凡四周木周炯父子也周
炯周坦又父子也周彬周光宙父子也周楷周
懋亦父子也是他姓所無

正德八年癸酉科

茅貢 字承禹號白沙居沙頭之南由歲貢中
式登甲戌進士初任刑部主事晉至郎中遷雲
南府知府陞副使致仕後割隸太倉

王舜耕 舜漁之兄字于田號兩湖兄弟同登丁
丑進士吾邑惟兩家

初任廬陵縣知縣值

武皇帝南狩公當迎駕

于士民無所擾監司賢之擢監察御史尋丁憂服除補原官巡理長蘆釐法上便宜七事自是陂政疏通商竈兩便屬北畿督學員缺公代署其事再巡按河南一切請託俱謝絕屬歲大旱減省厨傳供億以至薦紳餽遺之費槩行裁約人多銜之癸巳京察謫光州州判再改濱州致仕今祀鄉賢

公景淳撰墓碣

李應虞 應夔之弟字仁卿任仁壽縣知縣

謝表

癸未進士字子正號小溪子孫在太倉

初任刑部主事晉至郎中致仕

正德十一年丙子科

周光宙 解元彬之子號文川由順天中式

初名照後以字行是時汪文莊公顧文康公爲考官得公卷大奇之拔第一阨于春官凡十餘上卒不第公亦自厭棄之徘徊山澤間先是嘉靖初工部李尚書拊循三吳以水利諮公公爲條對甚悉自是有白茆之役邑故無城癸丑屬

倭警公與議城之城址多侵民居公中侵獨多弗恤也前後觀風使者如尚公維持輩式其間表以棹楔曰士元人瑞公忼慨敢言出入駟從雍容甚都士林俱莊事之卒年八十有八

王公

世貞撰誌

沈韓

海之長子由順天中式癸未進士號愛

葵初任曹州知州曹故逼河數患河決公築長堤城外仍植柳以固之先是夫役太濫公務節縮歲減夫錢十萬有奇會歲稔發粟賑饑已又

常燕志

卷下

六一

增葺黌舍以作新士類諸事俱當人心而獨于吏胥輩嫉之太深雖小過必加箠楚有給由吏號訴部堂誣構公過欲為曹民乞命遂遷慶府長史尋致仕居家訓迪子姓暇則營構山園竒花異卉修竹茂林具酒速客笑傲酣歌享有歸田之樂卒年六十八

錢學

由順天中式號奚川居奚浦任烏程知

縣歸田後賀壽七十父椿年亦九十人爭羨之此西北區錢氏發科之始裔出武肅王之後有

奚浦祿園二派族甚鉅後有錢籍錢泮錢庶錢
之選錢順時錢順德錢岱錢時俊俱甲科錢允
錢大法錢達道俱鄉科凡十二人

陳鈇 由留守衛籍順天中式己丑進士任工
部主事

孫舟 紀之孫丁丑進士號雲津任工部主事
引疾歸尋卒

公父名艾號西川讀古文辭博綜羣籍兼習書
繪嗜古名畫玩器稱好事家又稱畫賞家雅好

客觴俎交于座中履其香于戶外樽蒲一擲五
百金父喪致客以千數其豪俠如此尤長于詩
所著有西川集封工部主事塔錢籍亦舉進士
楊儀 舫之子丙戌進士字夢羽號五川

初任工部主事轉兵禮二部晉至郎中以廉能
稱時北虜入貢瀆擾都下邀厚賞公召其酋長
宣諭朝廷威德靡不稽首服一時休聲籍甚宰
相夏文愍公折節下公一疏一表多公代筆有
政事大謀議必諮公太常典樂廢失音律命公

與張卿考訂公纂成樂書爲張卿所格時論惜
之秩滿陞山東按察司副使備兵霸州名曰擢
之實外之也夏公以詞餞之云可惜文儒却使
提兵盜賊區公亦自念用違其材胸臆約結遂
致仕公才如倚馬辨若懸河雅善詞賦而字法
尤精詣肯綮所著有南宮集高坡異纂行于世
又嘗爲甘泉湛公纂格物通考廿卷諸詩文誤
述莫可殫記嘗有聞鴈詩云萬里碧秋秦嶺濶
一聲黃葉楚雲深于時膾炙人口尤耽嗜古書

好聚縹帙家有萬卷樓而所蓄法書名畫古器
亦稱是江左推爲博雅然性自高亢傲睨一世
爲時所忌嫉一朝構禍而同邑縉紳某下之石
焉家貲蕩然公亦尋卒一女適雲間學憲莫如
忠而其子雲卿能讀外王父書多携公所藏書
去其僅存者子孫不能守靡廢殆盡物無聚而
不散嗚呼惜哉

沈公應魁撰志

公有二姊孀居公爲之推食分宅以居存歿從
厚縣大尹義之題其巷曰周沈巷扁曰雙節里

李勳 字成夫號三塘任廣州府通判居唐市
夏玉麟 字仁甫號鐵峰癸未進士

公爲制舉義有名時有督學使者張公鰲山嚴
覈學政諸生不寒而栗公騰卷完朗吟擊節旁
若無人及發案果舉第一其所撰子產生魚文
至今膾炙人口舉進士初任刑部主事晉至郎
中遷建寧知府改調黎平府致仕

鄧毅

本蔡姓由歲貢中式字文度號梓堂

公爲諸生時博綜經史已負文章重名而內行

常熟志

卷六

九

亦醇謹邑令楊公子器深器之憫公貧嘗以帑
金羨餘致餽會有巨室坐事俾出貲葺公廬公
悉謝却楊公益高之居家言動必取法古人旣
累上春官不第益杜門養高部使邑大夫就訪
則一出咨以公事則對他則否欲召見則辭新
昌沃洲呂公按蘇延公詢訪水利時有郡倅坐
事來謁求援公峻却之且以不見信于人自咎
邑令馮公汝弼聘修常熟志公爲稽故實補遺
逸嚴義例凡得十三卷蓋亦一時之成書也惜

當時文氣多沿勝國公亦不能盡脫耳其科貢志由唐貞觀中迄我明嘉靖十六年止又嘗應濮陽李公聘修濮州志若干卷外又有詩文集泉坊日錄若干卷素有大志嘗倣呂文成公大事記日取古今事宜之大者論次得失類成卷帙曰如有用我執此以往然竟以儒服終其身公少時頭顱有異骨如峰起有術者相之曰是兒異日當以學行名世享有遐齒惜不當事任耳後果如其言卒年八十八兩臺歐陽公鐸

呂公光洵嘗爲建尚志坊旣歿崇祀鄉賢

公有子名廷薦號臺山賢而有文詩得庾鮑之致文摸擬西京畫亦精密而時時有象外意大都品格當在乃翁之上孫光晟亦端方博雅無錫顧公憲成嚴事之後延至京師墜馬死科目之外類多軼才湮沒弗著予故表而出之

陳迥 播之子字良會號魯山丁丑進士

時年二十五初任惠安知縣調繁福清縣擢監察御史巡視中城會議 獻廟大禮公倡同列

抗疏極論桂文襄公而兩御史已逮繫公復抗
疏救之忤 旨廷杖下獄謫合浦縣主簿是時
王文成總制兩廣倡明道學見公而器之移書
嘉獎遷江西新喻知縣再遷大名府同知尋陞
福建按察司僉事備兵福寧道時古田相傳礦
發羽書旁午處州流民操刃來爭公引兵入深
阻俘其賊黨因封錮其山以歸民得按堵遷河
南按察司副使時 肅皇帝南巡幸承天公兼
程而進以扈駕自任有巨璫某要重賄不得遂
常熟志 卷下 十一

銜公適 上召一宮人以泥濘屬車不得前璫
從旁嗾曰此誰扈駕而稽慢若是再廷杖削籍
甲辰 九廟告成推恩再復原官前後撫按交
章薦公而公堅臥不起所著有石淙山人漫稿
今祀鄉賢入合浦名宦祠

正德十四年己卯科

張鳳來 第四名經魁辛巳進士字于庭號雪峰
初任工部主事權稅杭州遷刑部員外郎慮囚
福建會京察當左遷外補遂請告歸有文名而

父母昆弟頗有間言

繆尚志 亞魁字行達號虞臺任漢府通判

王評 槐之從弟字審言癸未進士

初任刑部主事其用法也孤立行一意無所縱
舍以親老不便迎養改南尋丁內艱歸病卒年
四十二

張京安 學之子字康甫號果齋癸未進士

初爲制舉義有名旣釋褐授南京刑部主事于
律比不甚了了旣廣詢諸僚始得明習晉至員

外郎會考京職公素與郎中藍某相矛盾又有
吏部郎者嘗以杜某事囑托公不應二人媒孽
公遂左遷解州同知再以違例當得調改建寧
府學教授辛卯分校順天府鄉試尋丁內艱服
除補南京國子監助教再入爲刑部主事緣有
耳疾乞改居散地因徙外爲 益王府長史王
府祿米多爲儉狹乾沒公清查徵入之王厚爲

錫賚尋罷歸

鄒公鞞撰誌

公有子名文元號檜谷負竒崛盛氣槩師事蔡

九遠學問宏洽而好品隲人物其論近代詞垣
宗工不直取何李而所意注者獨武功康德涵
非地崔子鍾而近則粵黃佐所與游從者皆一
時輕世傲物之士每睹邸報見時事有不可輒
彈指唾罵及見里中新貴人有結駟連騎而恣
蒼頭擾其粉榆者往往裂眦罵之猶罵其佞之
者蓋有古貌古骨焉而輕佻少年竊笑之以爲
迂怪也

錢籍

學之族字汝載號海山壬辰進士居祿

常熟志

卷下

三

園初第時嘗賦江南春詞爲宰相夏公言所賞
擬入中秘不果授浙江遂安知縣捕格劇盜有
治辦名分校浙江鄉試嘗識茅公坤卷而拔之
以爲國士後茅果以文章名重天下擢南京監
察御史職屯田以責齊庶人過當免官性故倜
儻才復贍麗旣歸益縱情詩酒其爲詩語取暢
心占惟信口皇甫子循輩俱稱賞之嘗言天地
間培塿凹凸足供吾搜剔者無限以虞山佳麗
而竒絕勝處久湮沒土石中恐爲山靈所笑乃

闢劔門剏樓三楹復亭于其上大書一聯句云
無邊風月憑嘲弄有主江山屬剪裁游人多指
摘之至入御史白簡家最後富僮僕數千指不
能繩束之多行不義波及主人田園居第歌舞
紈綺鉅萬之貲不崇朝間盡爲市井所劫奪諸
子飄零譬之失林之鳥而公寄死吳閭亦縉紳
之大變也嗚呼世之席豪貴者可不慎哉卒年
八十有五所著有海山集若干卷行于世
事見錢氏家乘及茅鹿門集中

常熟志

卷下

十四

連璧

字完卿任高安知縣

錢璫

仁夫子字國用由順天中式

初任奉化縣知縣臨民絕無炫飾秋毫不取于
民尤留心民瘼惠利久遠戴德彝死建文君難
未有表章公創爲之祠扁曰顯忠手著祠文極
其激烈陞雲南府通判致仕所著有五經旁註
古文會編詩韻釋義

褚應韶

字鳴陽號謙齋順天中式任仁壽知縣

時夏

中之子字亨甫號二湖由順天中式任

雞澤縣知縣

周坦 木之孫字孟平由順天中式

嘉靖元年壬午科

陳交 言之弟字汝同號敬軒初授浙江永康

知縣改調湖廣興寧縣生平端方清慎而居官

亦有廉名卒年八十餘嚴公訥撰誌

顧津 字子問

蘇子來 字應期

陸堂 字子升號毅齋癸未進士

常熟志 卷下 五

初任禮部主事改兵部再任禮部郎中出爲撫
州知府却苞苴直絕請託其治責大指而已至所

執一定吃不可移故法令雖寬而吏不能鉤致

百姓一錢遷江西按察司副使嘗以便宜持節

發粟賑饑民所全活甚衆再遷河南右叅政二

子相繼夭歿遂致仕居家好談神仙卒年七十

六血胤中絕甫蓋棺而田宅易姓矣人亡人得

旅興旅廢可歎哉沈公應元撰誌

張文鳳 文麟從弟由歲貢中式己丑進士字公

儀號立齋

初任新會知縣治尚寬和禁罔疏濶嘉靖辛卯與廣東場事識林公大欽于衆中謂當大魁天下明年廷試果林公第一厓山在海南有三忠祠祀文公天祥張公世傑陸公秀夫故事有司率就海涯望祭之憚航海也公春秋二祭必航海拜于祠下感慨嗷嗷外艱歸服除再補內黃其治如新會所去見思立碑勒石擢工部主事理徂徠泉源尋晉郎中以治水有功遷蕙州知

常熟志

卷下

十六

府尋致仕卒年八十三

陳公迥撰誌

華周

字尚文號月川任邵武府推官

沈寅

由順天中式丙戌進士字伯恭

少善大書邑人目爲奇童初授江西進賢知縣政尚聲槩事無劇易剖決如流翹然願試其奇擢工部主事尋卒

范來賢

由順天中式己丑進士字昌國號西虞

居大河初任桐鄉知縣陞刑部主事轉兵部晉職方司郎中遷武昌府知府丁內艱服除補延

平府陞湖廣按察司副使致仕卒

事蹟未詳

嘉靖四年乙酉科

徐與言 字孝宣

繆中孚 字信卿號守堂記誦該洽爲制舉義有名初授虔州府推官遷瑞州府通判生平雅不樂仕進至是懇疏致仕卒年六十七無子

嘉靖七年戊子科

朱木 寅之子字子喬號守愚由順天中式登

甲辰進士初任山東昌樂知縣有治聲擢南臺

常熟志

卷下

十七

御史巡視上江內艱歸服除拜山東道御史兼攝四道緝印纍纍忽以株累廷杖謫鄭州判官亾何兩浙軍興當道檄公治兵于浙遂遷遂安知縣有礦盜嘯聚者勢叵測公諭以禍福尋解散再遷敘州府同知遂懇疏致仕邑倉故在關外公謂國家四十萬所貯亟以關內膏腴易建之其奉公如此卒年六十七家無餘貲

時春

中之子字元甫號一山由順天中式任

江山知縣卒年七十餘

趙承謙 戊戌進士時年五十五字德光號益齋
其先宋宗室初爲江陰人公大父贅于常熟遂
爲常熟人既釋褐授江西贛州府推官召爲南
京吏部文選司主事晉驗封郎中遷廣東布政
司叅議其在廣東時與兵備僉事尤瑛合築撫
安嶺寇李文彪等得不亂人謂公得治寇要領
公爲人魁岸倣儻人或無道觸之則張目叱咤
不少容稍已伸則復歡然無留惹故人雖嚴事
公而不及怨然亦竟用以此罷卒年八十二

常熟志

卷下

六

公世貞撰傳

陳潛

本蔣姓字用之號龍澗

施雨

本桑姓瑾之從曾孫壬辰進士字潤之

號文峯初授刑部主事時壽寧侯坐法逮繫部

郎某以

皇太后母弟故少縱舍事覺

肅皇

帝怒甚下令杖之株引及公旋謫濮州同知與

山東鄉試事充郡曹單間多少年亡賴相與探

丸爲彈剽劫行者公厲法禁使吏民相告訐群

盜脅息亡命散走曹單遂稱治焉陞南京刑部

主事晉至郎中遷廣東按察司僉事備兵潮惠
多用游徼法禁戢群盜有治辦名會中御史白
簡免官歸卜築城西山光水色引接几席意甚
欣暢後以哭子青一日卒年七十二

嘉靖十年辛卯科

錢允 學之子順天中式字仲貞號濟川居吳
浦公父子同上公車前此未有也初授應天府
推官改順天出爲道州知州久之遷潮州府同
知被論免官

常熟志

卷下

九

王之夔 舜耕子字汝和號水簾

章蔡 格之孫字宗肅號北城初罷春官歸聞

增城湛公若水高陵呂公柟竝以八座居留都
聚徒講學卽入南太學兩游其門後謁選得單
縣知縣單瀕河而地窪下每歲春水漲河南人
渡河盜決河防民患苦之公爲伐木增椿晝夜
捍禦卒以無虞山東大盜竄入單縣界者公悉
以計獲之遷安吉州知州再遷永州府同知上
疏乞休方治行而卒

歸公有光撰傳

許河 字子澄號水東居唐市任浙江浦江知縣憂歸復補新蔡縣有從子應科號孟山有文名所構毛詩義得唐瞿風格惜也艱于一第需次歲貢竟卒

顧玉柱 字臺卿號一江壬辰進士居支塘鳳凰涇初任南京工部主事改北晉郎中外艱歸服除補刑部郎中值春祈穀坐失陪祀左遷道州州同量移平陽府通判尋陞代州知州再歷河間府同知復召爲南京刑部郎中未上擢大名

常熟志

卷下

二十

府知府遷山東按察司副使庚戌秋虜闌入塞公適以入賀至京被命按視兵營壁壘時變起倉卒士伍搶攘公躍馬馳塵埃中無暇休沐且飯遂得頭暈疾會宰相嚴嵩亦以他事噤公公遂懇疏致仕性故伉直喜任事先是嘉靖中吳興沈公以常熟燥濕異宜沃瘠異土嘗計畝定稅三則其豪長者不無詭匿公議更度田攤稅乃躬巡阡陌手操尺量而圖之民間譁然議竟